

Wolkom by Tsjil Tsjekt!

Wat moai dat jim meidwaan sille oan it programma!

Tsjil Tsjekt is in ynteraktyf programma. Yn it programma stelt presintator Raynaud Ritsma fragen oan de klasse, dy't jim ynfiere moatte yn de digitale omjouwing fan Tsjil Tsjekt. Mei de antwurden kinne jim punten skoare. Raynaud daget jim ek út om mei de klasse in challenge te dwaan. Hjirûnder lêst dêr mear oer. Wurdt jim klasse de 'Tsjilste klasse fan it jier?'



Praktyske saken foar elke Tsjil Tsjekt

Dizze Tsjil Tsjekt giet oer 'dyn ferhaal'. It programma bestiet út twa dielen. Tusken de publikaasje fan de twa dielen op www.tsjiltsjekt.nl sit in pear wike tiid. Yn dy wiken hawwe de learlingen de tiid om de challenge út te fieren en harren foto te dielen op de Tsjil Tsjekt-webside.

Dit hawwe jim nedich foar de fragen en opdrachten oer 'dyn taal' yn dizze Tsjil Tsjekt:

- De ynlochkoade foar de Tsjil Tsjekt-omjouwing: yn dy omjouwing sjogge jim nei it programma en kinne jim de antwurden ynfiere. Noch gjin ynlochkoade? Freegje dy oan fia de oanmeldknop op de webside www.tsjiltsjekt.nl.
- In apparaat mei in ynternetferbining (in tablet, laptop, chromebook ensfh.). Meardere apparaten om tagelyk wat op te sykjen kin soms handich wêze.
- It tydskrift Tsjil. Binne jim abonnee fan Tsjil? Yn Tsjil fan novimber stiet in tekst dy't jim nedich hawwe om it antwurd op ien fan de fragen te finen. Noch gjin abonnee? Brûk dan de pdf fan it tydskrift dy't te finen is op www.tsjiltsjekt.nl.
- Materialen om gau mei-inoar ta ien antwurd te kommen op in fraach: brûk bygelyks in 'wisbordje' om te stimmen oer de stelling of soargje dat alle learlingen in papierke hawwe om in antwurd op te skriuwen, sadat de antwurden sa gau mooglik sammele wurde kinne.

De challenge fan dizze kear – dyn ferhaal

Doch mei oan de Tsjil Tsjekt Tsjallenge:

- Lústerje nochris nei it ferske 'Fake'. De link nei it ferske is te finen op www.tsjiltsjekt.nl. Mei-inoar wolle wy 'Fake' dit jier sa heech mooglik yn de Fryske Top 100. Dat kin troch safolle mooglik stimmen te sammeljen foar 'Fake'.
- Stimme kin *fan 21 novimber ôf!* – de QR is fanôf dan te finen op www.tsjiltsjekt.nl.
- Printsje de QR-koade en gean nei jim masters, juffen, heiten, memmen, buorlju en wa't jim mar fine kinne. Lit se de QR-koade scanne en stimme op 'Fake'.
- Hâld op in list by hoefolle minsken jim stimme litten hawwe. Kinne jim 50 stimmen of mear sammelje yn ien dei? Meitsje in foto mei jim groep en de qr-koade en upload dy foto op de TsjilTsjekt-webside.
- Wow! It meidwaan oan de challenge ferdûbelet(!) de behelle punten yn diel 1 fan 'dyn ferhaal'. Safolle pompies litte jimme dochs net lizze?
- Let op: Upload jim foto **foar 22 desimber!** Allinne dan docht jim filmke mei om de punten!

Sukses en in soad wille!

P.S.Troch mei te dwaan oan dizze ôflevering hast wurke oan de kearndoelen: 17, 18, 19, 22 en 54 (boarne: www.slo.nl)



Mear dwaan mei dit tema?

Wolle jim nei oanlieding fan dizze Tsjil Tsjekt mear dwaan mei it tema ferhalen en foarstellingen?

Yn de metoade Spoar 8 binne ferskillende materialen te finen oer dit tema:

- Temateek: sjoch yn de tema's 'Uterje dysels!', 'Safolle minsken, safolle gewoanten' foar teksten, filmkes, spultsjes, boeketips en mear losse materialen. Bygelyks oer iepenloftspullen, foarstellingen, fideo's, muzyk en dûns.
- Taalaktiviteiten:
Yn de taalaktiviteit 'Dit bin ik' rjochtsje learlingen in miny-tentoanstelling yn oer harrensels.
- Projekten:
Yn it projekt 'Hokus Pokus' presintearje learlingen in gûcheltrúk
Yn it projekt 'Opfalle mei rym' leare de learlingen oer rym en meitsje de learlingen in eigen rap.
Yn it projekt 'It doek giet iepen' betinke learlingen in poppekastspul en spylje dy foar jonge bern.
Yn de 'Praat-mar-Toaniel'-projekten spylje learlingen (in oantal sênes fan) in toanielstik.



Yn it tydskrift Tsjil steane neist ferskillende teksten ek nijsgjirrige nijtsjes, spultsjes en in strip!

Alle ferskes en fideo's fan Sjong Junior 2022 binne te finen op it YouTube-kanaal fan Tsjil:

<https://www.youtube.com/c/Tsjil>

Noch gjin Spoar 8 en/of Tsjil by jim op skoalle? Freegje de metoade en it tydskrift hjir FERGEES oan:

<https://taalplan.fr/oaanmelde/>